

Վիճակ ցարցի ծաղիկ  
Վիճակ բուրցի ծաղիկ  
Կամ քեզի գովամ ծաղիկ:

Քո եարն էկաւ առւան արփով  
Քո եարն էկաւ սագով-դիօլով  
Օրօր, օրօր եւայլն

Քո եարն էկաւ քամփած ձիով  
Քո եարն էկաւ բաղան քակով:  
Օրօր, օրօր եւայլն:

Քո եարն էկաւ առւան արփով  
Քո եարն էկաւ ծառան քակով,  
Օրօր, օրօր եւայլն:

Հարսեցի մեջ ի՞նչն է սիրուն, ի՞նչն է սիրուն.—  
Կարն ու բոլորը (կլորը):  
Օրօր, օրօր եւայլն:

Վիճակ Խ հալ քարին քեզի  
Էս մեկ օրը մեզի:

Վիճակ, վիճակ սիրլի շիշակ  
Շորէ տայիկ, օսկէ կոնակ

Վիճակ ցարցի ծաղիկ  
Վիճակ բուրցի ծաղիկ

Կամ քեզի գովամ ծաղիկ:

Իւրաքանչիւր երգից լետոյ առարկայի տէրը երգած վիճակից գուշակութիւններ է անում:

Վարդավառ: \* Վարդավառին Փէրիացիք «Վարթէվոր» են ասում: Եւրաթ օրը գաթայ են թխում, ձու ներկում և Կիւրակէ առաւօտեան ջահէլ աղջիկներն ու հարսները հաւաքում, գնում են գետափը, ուր կանանչների վրայ կերտխումը անելուց լետոյ, սկսում են պարել, երգել (Հաբըրբան, Վարդկօշիկ), ապա ջուր են սրսկում միմեանց վրայ:

\* Ուխտագնացութիւնը Հայաստանում կապալտական շրջանում գոյութիւն ունէր. Ամենանշանաւոր ուխտավայրը Վանասուրի դիմ անունով տաճարն (այժմ Ս. Յովհաննէս եկեղեցի) էր, որ գտնուում էր Բագրևանդ (Սլաշկերտ) գաւառի Բագաւան գիւղում: Այդ տօնը տօնուում էր Պոստոս 10-ին, որ հայկական տոմարի նորտարին էր. ահա այդ տօնը, որ կայ մինչև այսօր էլ կուտում է Վարդավառ (ծաղիկների տօն):